



東坡集卷第十

詩七十八首

九日黃樓作



去年重陽不可說南城夜半千漚發水穿城下作雷
鳴泥滿城頭飛雨滑黃花白酒無人問日暮歸來洗
鞵鞢豈知還復有今年把盞對花容一呷莫嫌酒薄
紅粉陋終勝泥中千柄鋪黃樓新成壁未乾青河已
落霜初殺朝來白露如細雨南山不見千尋剌樓前
便作海茫茫樓下空閣擣鴉軋薄寒中人老可畏熟
酒澆腸氣先壓煙消日出見漁村遠水鱗鱗山鬻鬻

詩人猛士雜龍虎坐客三十餘人楚舞吳歌亂鶯鴨

一杯相屬君勿詞此境何殊泛清雲

太虛以黃樓賦見寄作詩為謝

我在黃樓上欲作黃樓詩忽得故人書中有黃樓詞
黃樓高十丈下建五丈棋楚山以為城泗水以為池
我詩無傑句萬景驕莫隨夫子獨何妙雨電散雷推
雄詞雜今古中有屈宋姿南山多磬石清滑如流脂
朱蠟為摹刻細妙分毫釐佳處未易識當有來者知

九日次韻王鞏

我醉欲眠君罷休已教從事到青州鬢霜饒我三千

大詩律輸君一百壽聞道郎君閉東閣且容老子上
南樓相逢不用忙歸去明日黃花蝶也愁

送頓起

客路相逢難為樂常不足臨行挽衫袖更賞折殘菊
佳人亦何念淒斷陽關曲洒闌不忍去共接一寸燭
留君終無窮歸駕不免促岱宗已在眼一往繼前躅
天門四十里夜看扶桑浴回頭望並城大海浮一粟
故人在其下塵土相蹴蹴惟有黃樓詩千古配淇澳

頓有詩記黃樓本末

送孫勉

昔年罷東武曾過北海縣白河翻雪浪黃土如蒸麪
桑麻冠東方一熟天下賤是時累飢饉常苦盜賊變
每憐追胥官野宿風裂面君為淮南秀文采照金殿
君嘗考中進士第一人胡為事奔走投筆腰羽箭更被髯將軍
豪篇來督戰其兄華老以詩寄之皆言戰事親程三郡士玉石不能
銜欲知君得人失者亦稱善君才無不可要欲經百
鍊吾詩堪咀嚼聊送別酒噏

李思訓畫長江絕島圖

山蒼蒼江茫茫天孤小孤江中央崖崩路絕猿鳥去
惟有喬木攙天長客舟何處來棹歌中流聲抑揚沙

平野軟望不到孤山久與船低昂我裝兩煙鬢曉鏡
開新粧舟中賈客莫漫狂小孤前年嫁彭郎

次韻荅王鞏

我有方外客顏如瓊之英十年塵土窟一寸冰雪清
竭來從我游坦率見真情顧我無足戀戀此山水清
新詩如彈丸脫手不整停昨日放魚回衣中滿浮萍
今日扁舟去白酒載烏程山頭見月出江路聞鼃鳴
莫作孺子歌滄浪濯吾纓吾詩自堪唱相子棹歌聲

張安道見示近詩

人物一哀謝微言難重尋殷勤永嘉末復聞正始音

清談未足多感時意殊深少年有奇志欲和南風琴
荒林蜩螿亂廢沼蛙烟淫遂欲掩兩耳臨文但意瘖
蕭然王郎子來自緱山陰其婿王云見浮丘伯吹蕭
明月岑遺聲落淮泗蛟鼉為悲吟願公正王度祈招
繼悒悒

次韻王鞏復同泛舟

沈郎清瘦不勝衣邊老便帶十圍蹶躒身輕山上
走謹呼舩重醉中婦舞腰似雪金釵落談辯如雲玉
塵塵憶在錢塘正如此回頭四十二年非

次韻張十七九日贈子由

千戈萬槩擁鉅籬九日清樽豈復持是日南
無窮何日了菊花有信不吾欺道遙瓊館真堪羨
次塵纒未可縻迨此暇時頃痛飲他年長劔挂君頤

次韻王鞏獨眠

居士身心如槁木旅館孤眠體生粟誰能相思琢白
玉服藥千朝償一宿天寒日短銀燈續欲往從之車
脫軸何人吹斷參差竹泗水茫茫鴨頭綠

次韻王鞏留別

去國已八年故人今有誰當時交游內未數蔡克兒
豈無知我者好爵半已縻爭為東閣吏不顧北山移

公子表獨立與世頗異馳不詞十里遠成此一段奇
蛾眉亦可憐無柰思餅師無人伴客寢惟有支林龜
君歸與何人文字相娛嬉持此調張子一笑當脫頭

登雲龍山

醉中走上黃茆岡滿岡亂石如群羊岡頭醉倒石作
牀仰看白雲天茫茫歌聲落谷秋風長路人舉首東
南望拍手大笑史君狂

次韻僧潛見贈

道人胸中水鏡清萬象起滅無逃形獨依古寺種秋
菊要伴騷人蒼落英人間底處有南北紛紛鴻雁何

真閉門坐穴一禪榻頭一歲月空崢嶸今年偶出
為求法欲與慧劍加礪礪云衲新磨山水出霜鬚不
窮兒童驪公俠欲識不可得故知倚市無傾城秋風
吹夢過淮水想見橘柚垂空庭故人各在天一角相
望落落如晨星彭城老守何足顧棗林桑野相邀迎
千山不憚荒店遠兩脚欲趁飛猿輕多生綺語磨不
盡尚有宛轉詩人情殊吟鶴唳本無意不知下有行
人行空塔夜雨自清絕誰使掩抑啼孤惇我欲仙山
撥瑤草傾筐坐歎何時盈簿書鞭朴書填委煮茗燒
栗宜宵征乞取摩尼照濁水共看落月金盆傾

次韻潛師放魚

法師說法臨泗水無數天花隨塵尾勸將淨業種西
方莫待夢中爭起起哀哉若魚竟坐口遠愧知幾穉
生醴况逢孟簡對盧仝不怕校人欺子美疲民尚作
魚尾赤數罟未除吾願泚法師自有衣中珠不用辛
苦沙泥底

與舒教授張山人參寥師同遊戲馬臺書

西軒壁燕簡顏長道二首

古寺長廊院院行此軒偏慰旅人情楚山西斷如迎
客汴水南來故遠城路失玉鉤芳艸合林亡白鶴古

清淡游何以娛岸老坐聽郊原瑒磬聲

竹杖芒鞋取次行下臨官道見人情天寒好粟猶細

畝日莫牛羊自入城沽酒獨教陶令醉題詩誰以較

公清更尋陋巷顏夫子乞取微言繼此轍

滕縣時同年西園

人皆種榆柳坐待十畝陰我獨種松白守此一寸心

君看閭里間盛衰日駸駸種木不種德聚散如飛禽

老時吾不識用意一何深知人得數士重義忘千金

西園手所開珍木來千岑養此霜雪根遲彼鸞鳳吟

池塘得流水龜魚自浮沉幽桂日夜長白花亂青衿

豈獨富草木子孫已成林拱把不知數會當出千尋
樊侯種梓漆壽張富華簪我作西園詩以為里人箴

次韻王廷老和張十七九日見寄

霜葉投空雀卓籬上樓筋力強扶持對花把酒未甘
老膏面添須聊自欺無事亦知君好飲多才終恐世
相縻請看平日銜杯口會有金椎為控頤

次韻參寥師寄秦太虛三絕句時秦君舉

進士不得

秦郎文字固超然漢武憑虛意欲仙底事秋來不得
解定中試與問諸天

一尾追風抹萬竇崑崙玄圃謂朝隣回看世上無伯
樂却道鹽車勝月題

得喪秋毫久已冥不須聞此氣崢嶸何妨却伴參寥
子無數新詩咏唾成

與參寥師行園中得黃耳蕈

遣化何時取衆香法筵齋鉢久淒涼寒蔬病甲誰能
採落葉空畦半已荒老楮忽生黃耳菌故人兼致白
牙薑蕭然放筯東南去又入春山筍蕨鄉

百步洪二首并叙

王定國訪余於彭城一日棹小舟與顏長道携盼英

卿三子游泗水北上聖女山南下百步洪吹笛飲酒
乘月而歸余時以事不得往夜着羽衣佇立於黃樓
上相視而笑以為李太白死世間無此樂三百餘年
矣定國既去逾月復與參寥師放舟洪下追懷曩游
已為陳迹喟然而歎故作二詩一以遺參寥一以寄
定國且示顏長道舒堯文邀同賦云

長洪斗落生洄波輕舟南下如投梭水師絕叫鳧鴈
起亂石一線爭磋磨有如兎走鷹隼落駿馬下注千
丈坡斷絃離柱箭脫手飛電過隙珠翻荷四山眩轉
風掠耳但見湓沫生千渦喻中得樂雖一快何異水

伯夸秋河我生乘化日夜逝坐覺一念逝新羅紛紛
爭奪醉夢裏豈信荆棘埋銅駝覺來俯仰失千劫回
視此水殊委蛇君看岼邊蒼石上古米蒿眼如蜂窠
但應此心無所住造物雖駛如余何回船上馬各歸
去多言堯堯師所呵

佳人未肯回秋波幼輿欲語防飛梭輕舟弄水買一
笑醉中蕩槳肩相磨不似長安閭里俠船裏夜走燕
脂坡獨將詩句擬鮑謝沙江共採秋江荷不知詩中
道何語但覺兩頰生微渦我時羽服黃樓上坐見織
女初斜河婦來笛聲滿山谷明月正照金叵羅柰何

捨我入塵土擾擾毛群欺卧馳不念空齋老病叟退
食誰與同委蛇時來洪上看遺迹恐見履齒青苔窠
詩成不覺雙淚下悲吟相對惟羊何欲遣佳人寄錦
字夜寒手冷無人呵

送岑寒師

上人學苦空百念已灰冷劍頭惟一映焦穀無新穎
胡為逐吾輩文字爭蔚炳新詩如玉雪出語便清警
退之論草書萬事未嘗屏憂愁不平氣一寓筆所騁
頗性浮屠人視身如丘井類空寄淡泊誰與發豪猛
細思乃不然真巧非幻影欲令詩語妙無厭空且靜

靜故了群動空故納萬境關世走人問觀身卧雲嶺
醜酸雜衆好中有至味永詩法不相妨此語當更請

夜過舒堯文戲作

先生堂前霜月苦弟子讀書喧兩廡推門入室書縱
橫蠅紙燈籠晃雲母先生骨清少眠卧長夜默坐數
更鼓耐寒石硯欲生水得火銅餅如過雨郎君欲出
先自贊坐客斂衽誰敢侮明朝阮籍過阿戎應作羲
之羨懷祖

十月十五日觀月黃樓席上次韻

中秋天氣未應殊不用紅紗照坐隅山下白雲橫匹

素水中明月卧浮圖未成短棹還三峽已約輕舟泛
五湖為問登臨好風景明年還憶使君無

荅王定民

開緘弈弈滿銀鈎書尾題詩語更道八法舊聞宗長
史五言今復擬蘇州筆蹤好在留臺寺棋隊遙知到
石溝欲寄鼠須并蠶紙請君章草賦黃樓

次韻王廷老退居見寄二首

浪蘂浮花不辨春歸來方識歲寒人回頭自笑風波
地閉眼聊觀夢幻身北牖已安陶令榻西風還避庾
公塵更搔短髮東南望試問今誰覆舊巾

接果移花看補籬腰鎌手斧不妨持上都新事長先
到老圃閑談未易欺釀酒閉門開社蠶殺牛留客解
耕縻何時得見穢穢玉右手持盃左捧頤

次韻長道韻送傅倅

兩見黃花掃落英南山山寺遍題名宗成不獨依岑
范魯衛終當似弟兄去歲雲濤浮汴泗與君泥土滿
衣纓如今別酒休詞醉試聽雙洪落後聲

雲龍山觀燒得雲字

丁女真水妃寒山便火耘隕霜知已殺培戶聽初焚
束縕方熠燿敲石俄氤氳落點甘泉峰橫煙楚塞氛

窮地上喬木潛蛟躡浮雲鷲飛墮傷鷹狂走迷癡鷹
谷蟄起蜩鷲山妖竄變蹟野竹爆哀聲幽桂飄窈芬
悲同秋照解快若夏燎蚊火牛入燕壘燧象奔吳軍
崩騰井陘口萬馬皆朱憤搖曳驪山陰諸姨爛紅裙
方隨長風卷忽值絕澗分我本山中人習見匪獨聞
偶從二三子來訪張隱君君家亦何有物象移朝曛
把酒看飛燼空庭落繽紛行觀農事起畦壟如纈紋
細雨發春穎嚴霜倒秋蕢始知一炬力洗盡狐兔群

和田國博喜雪

疇昔月如晝曉來雲暗天玉花飛半夜翠浪舞明年

頰_田無遺種流亡稍占田歲豐君不樂鍾磬幾時編
_不有服

祈雪霧猪泉出城馬上作贈舒堯文

二年走吳越踏遍千重山朝隨白雲去莫與栖鴉還
翻如得木狔飛步誰能攀一為符竹累坐老敲榜間
此行亦何事聊散腰脚頑浩蕩城西南亂山如玦環
山下野人家桑柘雜榛菅歲晏風日暖人牛相對閑
薄雪不蓋土麥苗稀可刪願君發蒙白朝談破天慳

次韻舒堯文祈雪霧猪泉

長笑地醫一寸腹銜冰吐電何時足蒼鵝無罪亦可

憐斬頸橫盤不敢哭豈知泉下有猪龍卧枕雷車踏
陰軸前年太守為旱請雨點隨人如撒并傳飲之曾
雨太守歸國龍歸泉至今人詠淇園綠我今又復罹
此旱凜凜疲民在溝瀆却尋舊迹叩神泉坐客仍携
王子淵飲之時客看草中和樂賦頌新聲妙語慰華
顛曉來泉上東風急湏上冰珠老蛟泣怪詞欲逼龍
飛起嶮韻不量吾所及行看積雪厚埋牛誰與春工
掀百摺此時還復借君詩餘力汰翰仍貫笠揮毫落
紙勿言疲驪龍再起震失匙

石炭 并引

彭城舊無石炭元豐元年十二月始遣人訪獲於州
之西南白土鎮之北以冶鐵作兵犀利勝常云
君不見前年雨雪行人斷城中居民風裂衾濕薪牛
求抱衾裯日莫敲門無處換豈料山中有遺寶磊落
如墜萬車炭流膏迸液無人知陣陣腥風自吹散根
苗一叢浩無際萬人鼓舞千人看投泥激水愈光明
爍玉流金見精悍南山栗林漸可息北山頑鑛何勞
鍛為君鑄作百煉刀要斬長鯨為萬段

人曰獵城南會者十人以身輕一鳥過槍
急萬人呼為韻軼得鳥字

兒童笑使君憂慍長悄悄誰拈白接羅令跨金驄
東風吹濕雪手冷怯清曉忽發兩鳴鶻相趁飛燕小
放弓一長嘯目送孤鴻矯吟詩忘鞭轡不語頭自挑
歸來仍脫粟鹽豉煮芹蓼何似雷將軍兩眼霜鶻皎
黑頭已為將百戰意未了馬上倒銀餅得免不暇燎
少年負奇志贈蹬百憂繞回首英雄人老死已不少
青春還一夢餘年真過鳥莫上呼鷹臺平生笑劉表
將官雷勝得過字代作

胡騎入雲中急烽連夜過短刀穿虜陣濺血貂裘澆
一來輦轂下愁悶惟欲卧今朝從公獵稍覺天宇大

一雙鐵箭未發手先垂射殺雪毛狐腰間餘一箇
臺頭寺步月得人字

風吹河漢掃微雲步屧中庭月趁人
浼浼爐香初泛夜離離花影欲搖春
遙知金闕同清景想見氍毹車
輾暗塵回首舊游真是夢一簪華髮
岍綸巾

臺頭寺送宋希元

相從傾蓋只今年送別南臺便黯然
入夜更歌金縷

曲他時莫忘角弓篇

是日與宋君同我松寺中

三年不顧東鄰女

取宋

二頃方求負郭田

取李

我欲歸休君未可茂先

方議斷龍泉

種松得徠字

其四在懷古堂
其六在石經院

春風吹榆林亂英飛作堆
荒園一雨過戢戢千萬栽
青松種不生百株望一枚
一枚已有餘氣壓千畝槐
野人易斗粟云自魯徠
魯人不知貴萬竈飛青煤
束縛同一車胡為乎來哉
泫然解其縛清泉洗浮埃
枝傷葉尚困生意未肯回
山僧老無子養護如嬰孩
坐待走龍蛇清陰滿南臺
孤根裂山石直幹排風雷
我今百日客養此千歲材
時去替不百日伏苓無消息雙鬢
日夜摧古今一俛仰作詩寄餘哀
作詩寄王晉卿忽憶前年寒食北城之游

走筆為此詩

北城寒食煙火微
落花胡蝶作團飛
王孫出遊樂忘歸
門前驄馬紫金鞵
吹笙帳底煙霏霏
行人舉頭誰敢睇
扣門狂客君不麾
更遣傾城出翠幃
書生老眼省見稀
畫圖但覺周昉肥
別來春物已再菲
西望不見紅日圍
何時東山歌采薇
把酒一聽金縷衣

往在東武與人往反作蔡字韻詩四首今黃魯直亦次韻見寄復和答之

符堅破荊州止獲一人半
中郎老不遇但喜識元歎
我今獨何事文字厭奇玩
又得天下才相從百憂散

陰求我輩人規作林泉伴寧當待垂老倉卒收一旦
不見梁伯鸞空對孟光案才難不其然婦女廁周亂
世豈無作者於我如既盟獨喜誦君詩咸韶音節緩
夜光一已多矧獲纍纍貴相思君欲瘦不往我真懦
吾儕眷微祿寒夜抱寸炭何時定相過徑就我手館
飄然東南去江水清且暖相與訪名山微言師忍繁

雪齋

雪山詩中

君不見城眉山西雪千里北望城都如井底春風百
日吹不消五月行人如凍蟻紛紛市人爭奪中誰信
言公似贊公人間熱惱無處洗故向西齋作雪峰我

夢扁舟遠吳越長廊靜沈燈如月開門不見人與牛
惟見空庭滿山雪

言有詩見寄云料
下開看水枯牛

以雙刀遺子由子由有詩次其韻

寶刀匣不見但見龍堆鏃何曾斬蛟地亦未切琅玕
胡為穿窬輩見之要領寒吾刀不汝問有愧在其肝
念此乃自蔽色之虎皮斑湛然如古井終歲不復瀾
不憂無所用憂在用者難佩之非其人匣中自長歎
我老衆所易屢遭非意干惟有王玄通塔庭秀芳蘭
知子後必大故擇刀所便屠狗非不用一歲六七刑
欲試百鍊剛要須更泥堵作詩銘其背以待知者看

游栢山會者十人以春水滿四澤夏雲多
奇峯為韻得澤字

東郊欲尋春未見鶯花迹春風在流水鳧鴈先拍拍
孤帆信溶漾弄此半篙碧艤舟栢山下長蕭理輕策
彈琴石室中幽響清磔磔弔彼泉下人野火失枯腊
悟此人間世何者為真宅暮回百步洪散坐法上石
愧我非王襄子淵肯見客臨流吹洞簫水月照連壁
謂王氏兄弟也此歡真不朽回首歲月隔想象斜川游作詩
繼彭澤

戴道士得四字代作

少小家江南寄迹方外士偶隨曰雲出賣藥彭城市
雪霜侵鬢髮塵上汗冠袂賴此三尺桐中有山水意
自從夷夏亂七然久已弃心知鹿鳴三不及胡琴四
使君獨慕古者好與衆異共弔栢魁宮一灑盂嘗淚
歸來鎖塵匣獨對斷絃喟挂名石壁間窈冥千歲事
次韻田國博部夫南京見寄二絕

歲月翩翩下坂輪歸來杏子已生仁深紅落盡東風
惡柳絮榆錢不當春

火冷錫稀杏粥稠青裙縞袂鉤田頭大夫行役家人
怨應羨居鄉馬少游

月夜與客飲酒杏花下

杏花飛簾散餘春
明月入戶尋幽人
褰衣步月踏花影
炯如派水涵青蘋
花間置酒清香發
爭挽長條落香雪
山城薄酒不堪飲
勸君且吸盃中月
洞簫聲斷月明中
惟憂月落酒杯空
明朝卷地春風惡
但見綠葉棲殘紅

送蜀人張師厚赴殿試二首

忘歸不覺鬢毛斑
好事鄉人尚往還
斷嶺不遮西望眼
送君直過楚王山
雲龍山下試春衣
放鶴亭前送落暉
一色杏花三十

里新郎君去馬如飛

再次韻答田園博部夫還二首

西郊黃土沒車輪
滿區風埃笑路人
已放役夫三萬指
從教積雨洗殘春
枝上稀疎地上稠
忍看紅糝落墻頭
風流別乘多才思
歸趁西園秉燭游

田園博見示石炭詩有鑄劍斬佞臣之句
次韻答之

楚山鐵炭皆奇物
知君欲斫姦邪窟
屬鏤無眼不識人
楚國何曾斬無極
玉川狂直古遺民
救月裁詩語

寂真千里妖墓一寸鐵地上空愁蟻蝨臣

答郡中同僚賀雨

水旱行十年飢疫遍九土奇窮所向惡歲歲祈晴雨
雖非為已求重請終愧古鬼神亦知我老病入腰膝
何曾拜向人此意難不許重雲淒已合微潤先流礎
蕭蕭心遂作坐聽及三鼓天明將吏集泥土滿靴履
登城望楚麥綠浪風掀舞愧我賢友生雄篇闢新語
君看大熟歲風雨占十五天地本無功祈禳何足數
渡河不入境豈若無蝗帚而况刑白鵝下策君勿取

罷徐州往南京馬上走筆寄子由五首

吏民莫扳援歌管莫悽咽吾生如寄耳寧獨為此別
別離隨處有悲惱緣愛結而我本無息此涕誰為設
紛紛等兒戲鞭韉遭割截道邊雙石人幾見太守發
有知當解笑撫掌冠纓絕

父老何自來花枝裹長紅洗殘拜馬前請壽使君公
前年無使君魚鼈化兒童舉鞭謝父老正坐使君窮
窮人命分惡所向招災凶水來非吾過去亦非吾功
古汴從西來迎我向南京東流入淮泗送我東南行
雙別還復見依然有餘情春雨漲微波一夜到彭城
過我黃樓下朱欄照飛甍可憐洪上石誰聽月中聲

前年過南京麥老櫻桃熟今來舊遊處櫻麥半黃綠
歲月如宿昔人事幾反覆青衫老從事坐穩生髀肉
聯翩閱三守迎送如轉轂歸耕何時決田舍我已卜
卜田向何許石佛山南路下有爾家川千畦種秔稌
山泉宅龍蜃平地走膏乳異時畝一金近欲為逃戶
逝將解簪綬賣劔買牛具故山豈不懷廢宅生蒿櫓
便恐祠鄉人長祠仲鄉墓

次韻曹九章見贈

蘧瑗知非我所師流年已似手中著正平獨肯從文
墨中散何曾靳孝屐賣劔買牛真欲老得錢沽酒更

無疑雞豚異日為同社應有千篇唱和詩

書泗州孫景山西軒

落日明孤塔青山繞病身知君向西望不愧塔中人
過淮三首贈景山兼寄子由

好在長淮水十年三往來功名真已矣歸計亦悠哉
今日風憐客平時浪作堆晚來洪澤口捍索響如雷
過淮山漸好松檜亦蒼然藹藹藏孤寺泠泠出細泉
故人真吏隱小檻帶巖偏却望臨淮市東風語笑傳
回首睢陽幕簿書高沒人何時桐栢水一洗庾公塵
此去漸佳境獨游長慘神待君詩百首來寫浙西春

舟中夜起

微風蕭蕭吹菰蒲開門看雨月滿湖舟人水鳥兩同
夢大魚驚竄如奔狐夜深人物不相管我獨形影相
嬉娛暗潮生渚弔寒蛩落月挂柳看懸蛛此生忽忽
憂患裏清境過眼能須臾雞鳴鐘動百鳥散船頭擊
鼓還相呼

余去金山五年而復至次舊詩韻贈寶覺

長老

誰能斗酒博西涼但愛齋厨法鼓香舊事真成一夢
過高談為洗五年忙清風偶與山阿曲明月聊隨屋

角方稽首願師憐久客直將歸路指茫茫

遊惠山 并叙

余昔為錢塘倅往來無錫未嘗不至惠山既去五年
復為湖州與高郵秦太虛杭僧參寥同至覽唐處士
王武陵寶卿朱宿所賦詩愛其語清簡蕭然有出塵
之姿追用其韻各賦三首

夢裏五年過覺來雙鬢蒼還將塵土足一步漪瀾堂
俯窺松挂影仰見鴻鶴翔炯然肝肺間已作冰玉光
虛明中有色清淨自生香還從世俗去永與世俗忘
薄雲不遮山疎雨不濕人蕭蕭松徑滑策策芒鞋新

嘉我二三子皎然無淄磷勝游豈殊昔清白仍絕塵
弔古泣舊史疾諛歌小旻哀哉扶風子難與巢許鄰

謂資

敲火發山泉烹茶避林樾明牕傾紫瓊色味兩奇絕
吾生眠食耳一飽萬想滅頗笑玉川子飢弄三百月
豈如山中人睡起山花發一甌誰與共門外無來轍

贈惠山僧惠表

行遍天涯意未闌將心到處遣人安山中老宿依然
在案上楞嚴已不看歌枕落花餘幾片閉門新竹自
千竿客來茶罷空無有盧橘楊梅尚帶酸

贈錢道人

書生苦信書世事仍憶度不量力所負輕出千鈞諾
當時一快意事過有餘恠不知幾州鐵鑄此一大錯
我生涉憂患常恐長罪惡靜觀殊可喜脚淺猶容却
而况錢夫子萬事初不作相逢更何言無病亦無藥
與秦太虛參寥會于松江而關焉長徐安

中適至今韻得風字二首

吳越溪山興未窮又扶衰病過垂虹浮天自古東南
水送客今朝西北風絕境自忘千里遠勝游難復五
人同舟師不會留連意擬看斜陽萬頃紅

二子緣詩老更窮人間無處吐長虹平生聽之連江
雨盡日舟橫擘听風人笑年來三黜慣天教我輩一
搏同知君欲寓長相憶更送銀盤尾鬣紅
次韻關令送魚
舉網驚呼得巨魚饒涎不易忍流酥更煩赤脚長須
老來趁西風十幅蒲

東坡集卷第十

小坡集卷第十

詩七十二首

次韻奉六虛見戲耳龍耳

君不見詩人借酒平無可裁留得一錢何足損晚年更似
杜陵翁右臂雖在耳先聾人將蟻動作半園我覺風雷
真一噫聞塵土掃盡根性空不須更愁老泪流冰大朴初散
失混沌六鑿相去遠更勝敗眼花亂墜酒生風口業不傳
詩有債君知五言絕皆足賦人生一病今生差但恐此心
終未了不見一門還足礙人君疑我持伴龍耳故作嘲詩寫
嶮怪須防顛意三耳莫放筆端風雨快

端午過 近諸寺得禪字

肩輿任所適 遇勝輒留連
焚香引幽步 酌茗開淨筵
雨止還作小窓 幽更妍
盆山不見日 草木自蒼然
忽登最高塔 眼界窮大千
峯照城郭震 澤澤雲天深
沉既可幽尋 未云畢墟落
生晚煙 歸來記所歷
耿耿清不眠 道人未寢孤
燈同夜禪

送劉季 永赴餘姚

中和堂後石 樹與君對林
聽夜雨 玉笙哀怨不逢人
但見香煙橫 經謳吟思歸
出無計 坐想蟋蟀空房語
明朝開鏡奩 潮寒氣正與
潮爭 怒銀山動地 君不看

獨愛清香生雪

霧別來聚散如宿昔 城郭空存鶴飛去

我老人間萬事

休君亦洗心從佛祖 手香新罷法界觀

眼淨不顯登伽

文餘姚古縣亦何有 龍井白泉甘勝乳

千金買斷額法

春似與越人降日法

李公撰

過高郵見施大夫與孫莘老賞松詩情

與僕去

歲會于彭門折花餽荀故事作詩二十

四韻見

戲依韻奉荅亦以一戲公擇云爾

汝陽真天人

帽著紅鞋纏頭三伯萬不買一徹 晒共

誇青山峯曲盡

花不顯當時謫仙人逸韻謝封豨詩成

天一笑萬象

笑空看鷲開小桃杏不待雷發軫餘波尚

涓滴乞與居易積爾來誰復見前輩風流盡寂寞雨詩
人殘紅對櫻雪飢腸得一醉妙語傳不泯君來恨不與
去更復相牽引我老心已灰空煩扇餘燼天遊照六鑿
虛室掃充初幾知色竟空那復嗜烏吻蕭然一方文居士
老龐蘊散花徒滿袂不答天女問故人猶故目怨曰寫餘
恨疑我此心在遮防費攔揜應虞已斃地折尾時一蠢
仄聞孟光賢未學慶仲忍問問寄招應已足左右侍
雲鬢真何時花月夜羊酒謝不敏此生如幻耳戲語君勿
愠應同亡是公對子虛所

王鞏法虛堂

清虛堂裏王居士閉眼觀身如止水水中照見萬象空敢
問堂中誰隱几吳興太守老且病堆案滿前長渴睡碩君
勿笑反自觀夢幻去來殊未已長疑安石恐不免未信犀首
終無事勿將一念住清虛居士與我蓋同耳

和孫同年下山龍洞禱晴

吳興連月雨金甌生魚蛙往問下山龍曷不安厭家梯
空上峻絕俯視鷲嶺銜神井湧雲蓋陰崖垂蘚花交流
百道泉赴谷走群蛇不知落何處隱隱如繖車我來叩
石戶飛鼠翻白鴉寄語洞中龍味豈不嘉兩師少弭
節雷師亦停搨積水得反壑稻苗出泥沙農夫免菜色

寵亦飽豚豕看君擁黃紬高卧放晚衙

乘舟過賈收水閣收不在見其子三首

愛酒陶元亮能詩張志和青山來水濫白雨滿漁蓑淚
垢添丁面貧低舉案蛾不知何所樂竟夕獨酣歌

嫋嫋風蒲亂猗猗水荇長小舟浮鴨綠大杓瀉鵝黃
得意詩酒社終身魚稻鄉樂哉無一事何處不清涼
曳杖青苔岸繫船枯柳根德公方上冢季路獨留言
已占蒲魚港更開松菊園從茲來往數兒女自應言

次韻孫祕丞見贈

感槩清哀似變風老放詩句耳偏聰迂疎自笑成何

事冷淡誰能用許功不怕飛蚊如立豹肯隨白鳥過垂
虹吟哦相對忘三伏擬泛冰溪入雪宮

湖州多取豹脚
毒重如吳江亭名

與客遊道場何山得鳥字

清溪到山盡飛路盤空小紅亭幽白塔隱見喬木杪中休
得小庵孤絕寄雲表洞庭在北口雲水天渺渺庵僧俗
緣盡淨業洗未了十年畫鷁竹益以詩自繞高堂儼
像設禪室各深窈奔泉何處來華屋過溪沼何山隔
幽谷去路清且悄長松度翠蔓絕壁掛啼鳥我友自杭
來尚歎所歷少歸塗風雨作一洗紅日燎俄驚萬竅號黑
霧卷蓬萊舟人紛變色坐羨輕鷗矯我獨染酒杯醉

死勝流孺書生例強狠造物空煩擾
人將欲舞勢把燭畫風篠美人為
破顏正似腰支孺明朝便陳迹清
景隨空杳作詩記餘歡萬巨昏曉

僕去杭五年吳中仍恣大飢疫故人
往往逝去聞湖上僧舍不復往日
繁榮唯獨淨慈本長老學者益盛
作此詩寄之

來往三吳一夢間故人半作冢
累然獨後舊時社傳真法要與
遺民度厄年趙叟近聞還印綬
竺一翁先已返林泉何時杖策
相隨去任性逍遙不與子禪

船趨風 并引

吳中梅雨既過颯然清風彌旬歲
歲如此湖人謂之船趨風是時海
船初回云此風自海上與船俱至
云尔三句已過梅黃雨萬里初來
船趨風幾度策回度山曲一時清
駛滿江東驚飄欹欹先秋葉喚
醒昏昏嗜睡翁欲作蘭臺快哉賦
却憐分別問雌雄

丁公默送蟪蛄

溪邊互篋小如錢喜見蒲團赤玉
盤聖教令請宜點酒兩盞所雪
勸加食蠻瓊海錯聞名又怪雨
醒風入座寒堪笑吳興饒太守
一詩換得兩尖團

送孫著作赴考城兼寄錢醇老李邦直二君於

徐處有書員及

使君閑如雲欲出誰肯伴清風獨無事一榻亦可喚來
從白蘋洲吹我明月樓門前速行客青衫派白汗問子
何忽忽王事不可緩故人錢與李消廟兩主塔詩為寫
乘器尚記海中斷子亦東南珍價重不可等別情何以
慰酒盡對空案惟持一榻涼勸子巾少岸此風那復有
屋上飛灰於寄二十六天發發不可解

泛舟城南命善五人分韻賦詩得人皆苦炎字

四首

城中樓閣以魚鱗不一生清風起白蘋試選為溪取一名

呼我輩不羈人窺船野鶴何處下見燭飛蟲空自馴
述耶花莊一千頃誰知六月下塘春

苦熱誠知家處日何尚田危坐學心齋海整要共詩人把
溪月行道雲霧兩羅鄉國飄零斷書信弟兄流落隔江
淮便應築室若溪上荷葉遮門水浸堦

紫鱗鱸魚賤如土得錢相付何由數碧筍時作象鼻彎
白酒微帶荷心苦運時風生看斫膾隨刀雪落驚鳥飛
縷不將醉語作新詩飽食應無心腹如鼓

橋上游人夜未厭共依水檻立風簷樓中客酒初嘗
炎月下新枿半出簾南郭清游繼顏謝北窓歸卧等羲炎

人間寒熱無窮事自笑踈頑不受疢

次韻李公擇梅花

詩人固長貧日午飢未動偶然得一飽萬象困嘲弄尋
花不論命愛雪長恐凍天公非不憐聽飽即喧闐君為
三郡守所至滿賓從江湖常在眼詩酒事豪縱奉使今
折磨清比於陵仲永懷茶山下携妓脩春貢更憶檻泉
亭插花雲鬢重蕭然卧瀟灑愁聽春禽啼忽見早梅
花不飲但孤誠詩成獨寄我字字愈頭痛嗟君本待臣
筆彙從上雍脫鞵吟考藥給札賦雲夢何人慰流落嘉
藕天為種杯傾筍中吟帽拂果下鞞感時念羈旅此言

吾儕共故山亦何有桐花集公鳳君亦悔在廬歸掃
書洞何當種此花各抱溪陰壑

送淵師歸徑山

我昔嘗為徑山客至今詩筆餘山色師住此山三十年妙
語應須得山骨溪城六月水雲蒸飛蚊猛捷如花雁為
羨師方丈冰雪冷蘭膏不動長明燈山中故人知我至
爭來問訊今何似為言百事不如人兩眼猶能書細字

徑山夏無蚊余舊詩云閉龍乞
水歸洗眼欲看細字筆殘年

送表忠觀錢道士歸杭

先王舊德在民心著令稱忠上意深隨淚行看會祠

下柱名爭欲刻碑陰淒涼破屋塵凝座憔悴雲孫雪滿
簪未信諸豪容郭解却從他縣施千金

次韻周開祖長官見寄

俯仰東西閱數州老於岐路豈伶優初聞父老推謝令
旋見兒童迎細侯政拙年年祈水旱民勞處處避朝
詎河天巨野那容塞盜入蒙山不易搜仕道固應慙孔
孟扶顛未可責求由漸謀田舍猶懷祿未脫風濤且傍
洲罔罔可憐真喪狗時時相觸是虛舟榻來震澤都
如夢只有苕溪可倚樓齋醲酸甜如蜜水樂工零落
似風吹遠思顏柳在詩謝道憶張野陳終與老劉風

定軒窓飛豹脚雨餘攔檻上蝸牛舊遊到處皆蒼蘚同
甲惟君尚黑頭憶昔湖山共尋勝相逢杯酒兩忘憂醉
看梅雪清香過夜棹風船駭汗流百首共成山上集三人
俱作月中遊海南未起垂天翼澗底仍依徑寸麻已許
秋風歸過我預愛詩筆老難醅此生歲月行飄忽晚節
功名亦縲愆犀首正緣無事飲馮驩應爲有魚留從
今便踏青州翅薄酒知君笑督郵

林子中以詩寄文與可及余與可既沒追和其

韻

斯人所甚厭投畀每不受欲其少須臾亦去惟恐後云

誰尸此職無乃亦假守賦才有巨細無異斛與斗胡不
安其分但聽物所誘時來各飛動意合無妍醜坐令雞
栖車長載朱伯厚平生無一旅既死吃萬口自聞與可亡
肉骨臆生堆鼻懸知臨絕意要我一執手相望五百里安
得自其牖遺文付來哲後事待諸友伶俜嵇紹孤老
病孟光偶世人賤目見爭咲千金帚君詩與楚詞識
者當有取但知愛墨竹此歎吾已久故人多石子祿能
復哀君否不見林與蘇飢寒自奔走

與土郎昆仲及兒子邁遠城觀荷花登峴山亭
晚入飛英寺分韻得月明星稀四首

昨夜雨晴西渠曉來風襲月蕭然欲秋意溪水清可啜環
城三十里處處皆佳絕浦溼浩如海特見舟一葉此間
真避世日月蒲低白髮相逢欲相問已逐鷺鷥沒

清風定何物可愛不可名所至如君子草木有嘉聲我
行本無言手孤舟任斜橫水流自偃仰適與風相迎舉杯
屬浩歌心樂此兩無情婦來兩溪間雲水夜自明

若水如紫水鱗鱗鴨頭青吳興勝襄陽萬石亭
非羊叔子愧此岷山亭悲傷意則同歲月如流星從我
兩王子高鴻插脩翎湛若倚之道當以德銘
吏民憐我懶闔訟日已稀能為無事飲可作不夜歸復

尋飛英游盡此一寸暉
撞鐘履聲集顛倒雲山衣
我來無時節
奴屨自推扉
莫作使君看
外似中已非

山城南縣尉水亭得長字

兩尉齋相望
東南百步場
禱旗蒲柳市
伐鼓水雲鄉
已作觀魚檻
仍開射鴨堂
全家依畫舫
極目亂紅粧
激激波頭細
細沙跡雨脚長
我來閑濯足
溪漲欲浮村
澤國山園裏
孤城水影停
欲知歸路處
善外記風檣

與胡祠部遊法華山

陂湖欲盡山為界
始見寒泉落石派
道人未放泉出山
曲折虛堂瀉清快
使君年老尚兒戲
綠棹紅船舞澎湃

一笑翻杯水
澌裙餘惟濯
足波生隘
長松挽天龍
起立蒼藤倒谷雲
崩壞仰穿蒙
岩得清晴
一覽震盪
字句可怪
誰云四萬八千頃
渺渺東盡日
所矚歸途千里盡
風荷清唱一聲聞
露漙漙是日樂工有作此聲
嗟余少小慕真隱
白髮青衫天所嫉
忽逢佳士與名山
何異枯楊便馬疥
君猶鸞鶴偶飄墮
六翮如雲
豈長鍛不將新句紀
茲遊以負山中清淨債

又次前韻贈賈耘老

其區吞城三州界
浩浩湯湯納十派
從來不著萬斛船
漁舟恣奔快
仙壑上古洞不可到
空聽餘聞鳴拜拜

今朝偶上法華嶺縱觀始覺人寰隘山頭卧碣弔孤
家下有至人偃不壞空餘白棘網秋蟻無復幸蓮出幽
怪事觀本我來徒倚長松下欲掘伏苓親洗晒聞道山
中富奇藥往往靈芝雜葵藿詩人空腹待苦精三事
只看長柄被杜子美詩長柄被今年大熟期一飽
食菜嫩蟲真木柄我生大芥相葉不其為害食
香換臂欲取磨錄安得山泉變春酒與子一洗尋常

趙閑道高齋

見公奔走謂公勞分間公隱退云公高公心底云公有高

下夢幻去來隨所止不知高齋竟何義此名之設緣吾
曹公年四十已得道俗緣未盡餘伊臯功名富貴俱逆
旅黃金知繫何人劫超然已了一大事挂冠而去真秋
臺坐看猿猴落罔罔兩手未肯置所操乃知賢達與
愚陋豈直相去九牛一毛長松百尺不自覓企而羨者蓬
與蒿我欲贏粮往口道未應舉臂詞盧敖

送俞節推

尚之子尚
字退翁

吳興有君子淡如生小然琴一唱三太自心至今有遺音嗟
余與夫子相避如原參退翁官于蜀余在京師余歸而退
翁去及余官於吳興則退翁亡矣
猶喜見諸郎窈然月且深異時多良士未路喪初心我

生不有命其肯枉口八尋

次韻答孫少仲

十年身不到朝廷，以伴騷人賦落英。但得低頭拜東野，不詞中路向荆明。雖云舟若雪，只安在下集。江淮計已成，千里論交一言足。與君蓋亦不須頌。

重寄一首

凜然高節照時人，不信微官解浼君。蔣濟謂能來阮籍，薛宣真欲吏朱雲。詩衝口誰能擇，俗子疑人未遣聞。乞取千篇看俊逸，不將輕比鮑參軍。

次韻和劉工

甫登黃樓見寄，并寄子由二首

人短青瓜連淮上，黃樓冠海隅。此詩尤偉麗，夫子計魁梧。

世俗輕瑚璉，巾箱韻武夫。坐令乘傳遽，奔走為儲須。邂逅我已失，登臨誰與俱。貧貧倉君氏，粟身聽治家。撫會合難前，定歸休。試後圖，腹田未可買，窮鬼却須呼。本欲買田 水湖上近 二水何年到，雙洪不受艫。至今清夜夢，飛渡策

天吳此詩寄姪

與子皆去國，千年天一禹。數奇逢惡歲，計拙集枯梧。好士餘劉表，窮交憶范曄。夫不於持漢節，猶許攬柏須。清句金絲合，高樓雪月俱。吟哦出新意，指畫想前撫。子由初赴南京

送之出東門登城上時九山川之勝云此地可作樓觀於是始名曰改築之意

自寫千言賦新裁六幅

圖

近以編自寫千言一更樓時為六幅圖其少

傳者一坐簞勸著尺書呼莫使

騷人怨東游不到吳

此詩寄子由

陳州與文郎逸民飲別推乃于河堤上作此詩

白酒無聲滑瀉油醉行堤上散吾愁春風料峭羊角轉河水渺綿瓜蔓流君已思歸蓋色峽我能未到說黃州此生聚散何窮已未忍悲歌學楚囚

子由自南都來陳三日而別

天子自逐客向能烹楚囚奔馳二百里徑來寬我憂相逢知有得道眼清不流別來未一年落盡驕氣浮

嗟我晚聞道款啓如孫休至言雖久服放心不自收悟彼善知識妙藥應所投納之憂患場磨以百日愁冥頑雖難化鑄發亦已周平時種種心次第去莫留也餘無所遠永與夫子遊此別何是道大江東西州畏蛇不下榻睡足吾無求便為齊安民何必歸故丘

正月十八日蔡州道上遇雪次子由韻二首

蘭菊有生意微陽回千根方憂集莫雪復喜迎朝暾憶我故居室浮光動南軒松竹半傾瀉未數葵與萱三徑瑤草合一鉞井花温至今行吟處向餘履馬痕一朝出從仕永愧李仲元晚歲无益可羞犯雪方南奔山城買

廢圃槁葉手自掀長使齊安人指說故侯園
鈔膏染髭須旋露霜雪根不如閉目坐丹府夜自睜誰知
憂患中方寸寓義軒大雪從獸屋我非兒女豈平生學
踵息坐覺兩韉温下馬作雪詩滿地鞭箠痕佇立望原
野悲歌為黎元道逢射獵子遙指狐兔奔蹤跡尚可尋
窟穴何足掀寄謝李丞相吾將友丘園

過新息留示鄉人任師中

任時知濠州
亦坐事對獄

昔年嘗羨任夫子卜居新息臨淮水怪君便爾忘故鄉
稻熟魚肥信清羨竹波鴈起天為黑小竹陂在縣北桐拍煙橫山
半紫桐北廟在縣南知君坐受兒女困悔不先歸弄清泚塵土

於我亦失收身此行蹭蹬尤可鄙寄食方將依白足耐
書未免煩黃耳往雖不及來有年詔恩倘許歸田里
却下関山入蔡州為買烏犍三百尾黃州出
水牛

過淮

朝離新息縣初亂一水碧莫宿淮南村已渡千山赤麇
鼯號古戍霧雨暗破驛回頭梁楚郊永與中原隔黃州
在何許想像雲臺澤吾生如寄耳初不擇所適但有魚
與稻生理已自畢獨喜小兒子少小事安佚相從艱難中
肝肺如鐵石便應與晤語何止寄衰疾時家在子由處獨
與兒子適南來

書磨厓公詩後

并序

過加祿鎮南二十五里大許店休焉于逆旅祁宗祥家見壁
上有幅紙題詩云滿院秋光濃欲滴老僧倚杖青松側
只恠高聲問不應喚余踏破蒼苔色其後題云陰水僧
寶磨磨宗祥謂余此光黃間狂僧也年百二十死於熙寧十年
既死人有見之者宗祥言其異事甚多作是詩以識之磨
公本名清戒俗謂之戒和尚云

磨公昔未化來往淮山曲壽逾兩甲子氣壓諸身宿但
嗟濁惡世不受龍象跡我來未及見悵望空遺躅霜
顛隱白毫鎖骨埋三月至皆云似達磨隻履還天竺
壁間餘清詩字勢頗拔俗為吟五字偈一洗凡眼肉

游淨居寺 并叙

寺在光山縣南四十里大蘇山之南小蘇山之北寺僧居
仁為余言齊天保中僧思惠過此見父老問其姓曰蘇
氏又得二山名乃歎曰吾師告我遇三蘇則住遂留結
庵而父老竟無有蓋山神也其後僧智顛見思於此山
而得法焉則世所謂思大和尚智者大師是也唐神龍
中道岸禪師始建寺於其地廣明庚子之亂寺廢於兵
火至乾興中乃復而賜名曰梵天云

十載游名山自製山中衣願言畢婚嫁携手老翠微
不悟俗緣在失身蹈危機刑名非夙學陷穽損積威

遂恐死生隔永與雲山違今日復何日芒鞋自輕飛
稽首兩足尊舉頭雙涕揮靈山會未散八部猶光
輝願從二聖往一洗千劫非裴回竹溪月空翠搖煙
霏鐘聲自送客出谷猶依依回首吾家山歲晚將焉
歸

梅花二首

春來幽谷水潺潺的皪梅花草棘間一夜東風吹石
裂半隨飛雪渡關山

何人把酒慰深幽開自無聊落更愁幸有清溪三百曲
不詞相送到黃州

戲作種松

我昔少年日種松滿東岡初移一寸根瑣細如挿秧二
年黃茅下一一攢麥芒三年出蓬艾滿山散牛羊不見
十餘年想作龍蛇長夜風波浪碎朝露珠璣香我欲食
其膏已伐百本桑

煮松脂法用
柴灰水

人事多乖迂神藥竟渺茫

謁來齊安野夾路須髻蒼蒼會開龜蛇窟不惜斤斧瘡
緘未得伏苓且當拾流肪金盃百出入皎然散飛霜槁
死三彭執澡換五谷腸青骨凝綠髓丹田發幽光白髮
何足道要使雙瞳方却後五百年騎鶴還故鄉

萬松亭并叙

麻城縣令張毅植萬松於道周以誌行者且以名其亭
去未十年而松之存者十不及三四傷來者之不嗣其
意也故作是詩

十年栽種百年規好德無人助我儀

古語云一年之計計於之
以數十年之計計於之

木百年之計
未之以德縣令君同倉庾氏亭松應長子孫枝天公不
救斧斤厄野火解憐冰雪姿為問幾株能合抱懇勸記
取角弓詩

張先生并叙

先生不知其名黃州故縣人本姓盧為張氏所養陽狂
垢汗寒暑不能侵常獨行市中夜或不知其所止往來

者欲見之多不能致余試使人召之欣然而來既至立而
不言與之言不應使之坐不可但俯仰熟視傳舍堂中
久之而去夫孰非傳舍者是中竟何有乎然余以有
思惟心追躡其意蓋未得也

熟視空堂竟不言故應知我未天全肯來傳舍人皆說
能致先生子亦賢脫屣不妨眠糞屋流澌爭看浴水川
士庶豈識桃推妙妄意稱量未必然

陳季常所畜朱陳村嫁娶圖

何年顧陸丹青手畫作朱陳嫁娶圖闔道一村惟兩
姓不將門戶買雀盧

我是朱陳舊使君勸耕曾入杏花村而今風物那堪
畫縣吏催錢夜打門

朱陳村在徐州蕭縣

少年時嘗過一村院見壁上詩云夜涼疑有
雨院靜似無僧不知何人詩也宿黃州禪智寺
寺僧皆不在夜半雨作偶記此詩故作一絕
佛燈漸暗飢鼠出山雨忽來脩竹鳴知是何人舊詩句
已應知我此時情

初到黃州

自笑平生為口忙老來事業轉荒唐長江遠郭知魚
美好竹連山覺筍

筍客不妨貧外置詩人例作水

曹郎只慙無補絲毫事尚費官家壓酒囊

檢校官例
兼支多

定惠院寓居月夜偶出

幽人無事不出門偶逐東風轉良夜參差玉宇飛木
末繚繞香煙來月下江雲有態清自媚竹露無聲浩如
瀉已驚弱柳萬絲垂尚有殘梅一枝亞清詩獨吟還自
和白酒已盡誰能借不詞去月春忽忽過但恐懽音年
年謝自知醉耳愛松風會揀霜林結茅舍浮浮大甌
長炊玉溜溜小槽如壓蔗飲中真味老更濃醉裏狂
言醒可怕但當謝客對妻子倒冠落佩從嘲罵

次韻前篇

去年花落在徐州對月酣歌美清夜去年徐州花下對月與張君厚王子忠元

第飲酒作類字韻詩今年黃州見花發小院閉門風露下萬事如

花不可期餘年似酒那禁馮憶昔還鄉沂巴峽落帆樊

口在黃州南岸高梳亞長江衮衮空自流白髮紛紛寧少借竟

無五斗繼沮溺空有千篇陵鮑謝至今歸計負雲山未

免孤衾眠客舍少年辛苦真食蓼老景清閑如啖蔗飢

寒未至且安居憂患已空猶憂怕穿花踏月飲村酒

免使醉歸官長罵

安國寺浴

老來百事懶身垢猶念浴寒髮不到耳尚煩月一沐山
城足薪炭煙霧濛濛湯谷塵垢能幾何爾然收鷄拈
披衣坐小閣散髮臨脩竹心因萬緣空身安一鉢之豈
惟忘淨誠兼以洗榮辱默歸無多談此理觀要熟

安國寺尋春

卧聞百舌呼春風起尋平池柳村村同城南古寺僧
小房曲檻歌深紅看花數老憶年少對酒思家愁老
翁病眼不着雲母亂髮不照強理茶煙中遙知二月三
城外玉仙洪福苑如海青羅勻露蓋所任快馬爭風
鳴雜珮玉川先生言六可憐一生耽酒終無錢病過春

風九十日獨抱天
子看花發

寓所定惠院之東雜花滿山有海棠一株土人不知名也

江城地瘠蕃草木只有名花苦幽獨
嫣然一笑小羅間
桃李漫山抱麗俗也知造物有深意
故遣佳人在水石
自然富貴出天姿不待金盤薦
華屋朱唇得酒暈
生臉翠袖卷紗紅映肉林深
雲影暗曉光遲日暖風輕春
睡足雨中有淚亦淒淒
月下無人更清寂
先生今已無
一事散步逍遙自謂
腹不問人家與何
舍拄杖敲門看
脩竹忽逢絕艷
眩衰朽歎息無言
措病目陋那何
復

得此花無乃好事移西蜀寸根千里不可到
街子飛來定鳴鶴天涯流落俱可念為飲一樽歌
比曲明朝酒醒還獨來雪落紛紛那忍觸

次韻樂著作野步

老來幾不辨西東秋後霜林且強紅
眼暈見花真是病耳虛聞蟻定非聰
酒醒不覺春強半睡起常驚鳥過
中植杖偶逢為柔客披衣閑詠舞雩
風仰看落蓋收松粉俯見新芽
摘杞葉最楚雨還昏雲夢澤吳潮不
到武昌宮黃川對武昌宮瘴興古郡詩
無數寂寞莫開窓易粗通解組歸來
成一老風流他日與君同

二月二十六日雨中熟睡至晚強起出門還作
此詩意思殊昏昏也

外酒困三盃午食便一肉雨聲來不斷睡味清且熟
昏昏覺還卧展轉無由足強起出門行孤夢猶可續
泥深竹籬語村暗鳩婦哭明朝看此詩睡語應難讀
雨晴後步至四望亭下魚池上遂自乾明寺

前東岡上歸二首

雨過浮萍合蛙聲滿四隣海棠真一夢梅子欲嘗
新柱杖閑挑菜鞦韆不見人慙勤木芍藥獨自殿
餘春

高亭廢已久下有種魚塘暮色千山入春風百草香市
橋人寂寂古寺竹蒼蒼鶴鶴來何處號鳴滿夕陽

雨中看牡丹三首

霧雨不成點映空疑有無時於花上見的驟走明珠
秀色洗紅粉暗香生雪膚黃昏更蕭瑟頭重欲相
扶

明日雨當止晨光在松枝清寒入花骨肅肅初自持
午景發穠麗一笑當及時依然暮還飲亦自惜幽姿
幽姿不可惜後日東風起酒醒何所見金粉抱青子千
花與百草共盡無妍鄙未忍行泥沙牛酥煎落蕊未

次韻樂著作送酒

少年多病怯盃觴老去方知此味長
萬斛羈愁都似雪一壺春酒若為湯

次韻樂著作天慶觀醮

濁世紛紛肯下臨夢尋飛步五雲深
無因上到通明殿只許微聞玉佩音

王齊萬秀才寓居武昌縣劉郎沱正與伍洲
相對伍子胥奔吳所從渡江也

君家稻田冠西蜀擣玉揚珠三萬斛
塞江流秣秣書樓碧瓦寒攔照山谷
傾家取樂不論命散盡黃金

如轉燭惟餘舊書一百車
方舟載入荆江曲江上青山亦何有
伍洲遙望劉郎數明朝寒食當過君
請殺耕牛壓私酒與君飲酒細論文
酒酣訪古江之濱仲謀公瑾不須弔
一酹波神英烈君

杭州伍子胥廟封英烈王

杜沂游武昌以酹醢花菩薩泉見餉二首

酹醢不爭春寂寞開窗取晚青
蛟走玉骨羽蓋蒙珠纓不粧艷已絕
無風香自遠淒涼吳宮闢紅粉理故苑
至今微月夜笙簫來絕巖餘妍入此花
千載尚清婉怪君呼不歸定為花所挽
昨宵雷雨惡花盡君應返

君言西山頂自古流白泉上為千牛乳
下有萬石鈿不

愧惠山味但無陸子賢
顧君揚其名庶託文字傳
寒泉比吉士清濁在其源
不食我心惻於泉非所患
嗟我本何有虛名空自纏
不見子柳子餘愚汗溪山

陳季常自岐亭見訪郡中及舊州諸豪爭欲邀
致之戲作陳孟公詩一首

孟公好飲寧論斗醉後關門防客走
不妨閑過左阿君百謫終為賢
太守老居閭里自浮湛笑問拍松何若
心忽然載酒從陋巷為愛楊雄作酒箴
長安富兒求一過千金壽君君笑唾汝家
安得客孟公從來只識陳驚座

東坡集卷第十一

